

歷代名賢處世家書

徐益棠編著
三环出版社



徐益棠編著



76

歷代名賢叢書

● 徐益棠 編

● 三环出版社

琼新登字 03 号

历代名贤处世家书

· 徐益棠编著

责任编辑：苏 斌 王杰成

装帧设计：潘小彬

三环出版社出版

湖南省新华书店经销 国防科大印刷厂印刷

1991 年 9 月第 1 版第 1 次印刷

开本：787×1092 1/32 印张：5.25

字数：118,000 印数：1—11,500

ISBN7-80564-753-4/G · 525

定价：2.60 元

序

文章内容，要有事有物，要有情有理。家书最合此种标准：盖有事物便觉字字实在，有情理便觉句句真诚也。本书选材綦严：生活不合现代者不录，思想晦涩者不录，文字古奥费解者不录。综录得百六十余首，意在节省读者精力，供课余工暇之披阅，有裨身心，良非浅鲜。

平时持身处世，临时负艰忍辱，非兄诏其弟，父勉其子，殊不足以当大任，临大难也。

本书选自历代名人专集，篇篇可示入范，仔细揣摩，如同晤对，不独文字得其影响，即思想行为，亦必受其陶冶，开卷有益，愿读者其留意焉。

一九四六年一月，徐益棠序于成都。

历代名贤处世家书目录 (附作者小传)

序

卷一 上父母

一	王彝上父母书·····	(1)
二	夏完淳上母书·····	(1)
三	袁宗道上父书·····	(3)
四	王守仁上父书·····	(4)
五	宇文护上母书·····	(5)

卷二 给夫妻

一	左宗棠给妻筠心书·····	(7)
二	曾国藩给妻书·····	(7)
三	胡介给妻书·····	(9)
四	周庚给夫陈挾公书·····	(9)
五	夏完淳给妻书·····	(10)
六	史可法给妻书·····	(11)
七	卢象升给妻书·····	(14)
八	杨继盛给妻张夫人书·····	(14)

卷三 给子女

一	俞樾给次女绣孙书·····	(17)
二	左宗棠给子孝威等书·····	(18)
三	曾国藩给子纪泽书·····	(28)
四	曾国藩给子纪鸿书·····	(30)
五	聂继模给子书·····	(31)

六	陆陇其给三子宸徵书	(34)
七	田兰芳给子书	(36)
八	顾若璞给子黄灿黄炜书	(38)
九	魏禧给子世侃书	(39)
一〇	卓发之给子书	(40)
一一	王夫之给子攸书	(41)
一二	黄道周给子麀书	(42)
一三	瞿式耜给子书	(43)
一四	周顺昌给子茂兰书	(54)
一五	张居正给季子懋修书	(54)
一六	杨继盛给子应尾应箕书	(56)
一七	沈链给长子襄书	(60)
一八	王守仁给子正宪书	(61)
一九	朱熹给长子书	(63)
二〇	司马光给子康书	(66)
二一	范仲淹给诸子书	(68)
二二	阎姬给子宇文护书	(69)
二三	徐勉给子崧书	(71)
二四	陶潜给子俨等书	(73)
二五	诸葛亮给子书	(74)

卷四 给孙孙妇

一	俞樾给孙妇彭书	(75)
二	姚鼐给从侄孙伯昂书	(76)
三	姚鼐给侄孙石甫书	(77)
四	瞿式耜给孙昌文书	(80)
五	陆九渊给侄孙浚书	(82)

六	苏轼给侄孙元老书	(83)
---	----------------	------

卷五 给兄嫂弟妹

一	曾国藩给诸弟书	(85)
二	卢文弨给弟文韶书	(107)
三	袁枚给弟香亭书	(111)
四	郑燮给弟墨书	(113)
五	魏禧给兄与弟书	(119)
六	魏禧给季弟书	(122)
七	周庚给仲嫂书	(123)
八	王夫之给诸弟与诸侄书	(124)
九	王夫之给弟尔弼书	(125)
一〇	史可法给弟书	(125)
一一	韩廷锡给伯兄衡之书	(127)
一二	韩廷锡给妹孟韩书	(128)
一三	张大复给弟世长书	(128)
一四	袁中道给兄伯修书	(129)
一五	钟惺给弟恮书	(131)
一六	何良俊给兄五山书	(133)
一七	王守仁给诸弟书	(135)
一八	文天祥给妹百五书	(136)
一九	黄庭坚给弟益修强宗书	(136)
二〇	黄庭坚给弟润甫贤宗书	(137)
二一	苏轼给兄弟子明书	(138)
二二	苏轼给弟子由书	(139)

卷六 给侄

一	翁同龢给侄鹿乡书·····	(140)
二	俞樾给侄祖绶书·····	(141)
三	左宗棠给侄癸叟书·····	(142)
四	曾国藩给侄纪瑞书·····	(144)
五	姚鼐给侄霞紆书·····	(145)
六	陈弘谋给四侄钟灿书·····	(145)
七	方苞给族侄观承书·····	(146)
八	陆陇其给侄用中书·····	(147)
九	张可度给侄瑶星书·····	(148)
一〇	顾炎武给三侄书·····	(148)
一一	王夫之给侄幼重书·····	(149)
一二	王夫之给侄我文书·····	(150)
一三	黄道周给侄子静书·····	(151)
一四	董应举给侄元德书·····	(152)
一五	李存给侄玉振书·····	(153)
一六	王良臣给侄书·····	(153)
一七	苏轼给侄千之书·····	(154)
一八	苏轼给侄千乘书·····	(154)
一九	欧阳修给十二侄书·····	(155)
二〇	欧阳修给十三侄书·····	(156)
二一	范仲淹给三侄书·····	(156)
二二	元稹给侄峯郑等书·····	(157)
二三	马援给侄严敦等书·····	(158)

卷一 上父母

一 王鑫上父母书

二亲大人福安：

男自前年练勇以来，不克侍庭帟度岁者凡两载于兹。古人云：“每逢佳节倍思亲。”诚不当其境不知也。

前伯兄归家时，男约以初七八将为归省之计。而朱石翁以公议相阻，云“即欲归，亦须待涤翁局面已定方可。”另若能脱身，以遂承欢之愿，大是妙事。即或不能，亦必揆理义而后行。出处进退，士人之大防，断不敢苟且，以貽堂上之羞也。

【作者小传】 王鑫 字璞山，清湘乡人。咸丰间募乡勇从曾国藩。后别为一军，转战湖南境内，功卓著。官至守巡道，援江西，屡奏奇捷：敌惮之，号为虎。以病卒于军。谥壮武。

二 夏完淳上母书

不孝完淳今日死矣，以身殉父，不得以身报母矣！痛自严君见背，两易春秋，冤酷日深，艰辛历尽。本图复见天日，报大仇，恤死荣生，告成黄土。奈天不佑我，钟虐先朝，一旅才兴，便成齑粉。去年之举，淳已自分必死，谁知不死，死于今日也！斤斤延二年之命，菽水之养无一日焉；致慈君托迹于空门，生母寄生于别姓，一门漂泊，生不得相依，死不得相问，淳今日又溘然先从九京，不孝之罪，上通

于天!

呜呼! 双慈在堂, 下有妹女, 门祚衰薄, 终鲜兄弟, 淳一死不足惜, 哀哀八口, 何以为生? 虽然: 已矣! 淳之身, 父之所遗, 淳之身, 君之所用, 为父为君, 死亦何负于双慈! 但慈君推干就湿, 教礼习诗, 十五年如一日; 嫡母慈惠, 千古所难: 大恩未酬, 令人痛绝!

慈君托之义融女兄, 生母托之昭南女弟。淳死之后, 新妇遗腹得雄, 便以为家门之幸。如其不然, 万勿置后! 会稽大望, 至今而零极矣, 节义文章, 如我父子者几人哉! 立一不肖后如西铭先生, 为人所诟笑, 何如不立之为愈耶? 呜呼! 大造茫茫, 总归无后, 有一日中兴再造, 则庙食千秋, 岂止麦饭豚蹄, 不为馁鬼而已哉! 若有妄言立后者, 淳且与先文忠在冥冥诛殛顽嚚, 决不敢舍。

兵戈天地, 淳死后, 乱且未有定期。双慈善保玉体, 无以淳为念! 二十年后, 淳且与先文忠为北塞之举矣, 勿悲! 勿悲! 相托之言, 慎勿相负! 武功甥将来大器, 家事尽以委之。寒食、盂兰, 一杯清酒, 一盏寒灯, 不至作若敖之鬼, 则吾愿毕矣! 新妇结缡二年, 贤孝素著, 武功甥好为我善待之, 亦武功渭阳情也。

语无伦次, 将死言善, 痛哉! 痛哉!

人生孰无死? 贵得死所耳!

父得为忠臣, 子得为孝子,

含笑归大虚, 了我分内事。

大道本无生, 视身若敝屣。

但为气所激, 缘悟天人理。

恶梦十七年, 报仇在来世,

神游天地间, 可以无愧矣!

【作者小传】 夏完淳 字存古。明松江华亭人。生有异禀，七岁能诗文。父允彝，崇禎进士，与陈子龙结“几社”相应。北京破，南都失，彷徨山泽间，赋绝命词自投深渊以死。允彝死后二年，完淳以陈子龙狱辞连及，递下狱。谈笑自若，作乐府数十阕；“临刑神色不变，年甫十八。”

三 袁宗道上父书

孙女亡时，情极难堪；三日后，即同诸兄游城外诸山，胸中郁蓄，得山色朋潭，渐消煞去。此亦矫情养生之法也。此时中堂已允辞试差，复有良友相过，谈学赋诗，情怀愈觉畅快。大人幸勿虑我。闻三舅亦罹此苦，舅举子屡矣，倏忽俱成春梦，恩缠爱继，何日是了？宿世冤业，乘便出现，倏见倏没，令其割刺万般，以酬前愤；酬则从他酬，苦则不可被他苦。三舅相见时，望取此纸出现。漩涡底佛，劝落水罗汉，亦可笑也。

二哥有书来，正同陶石簪游齐云，自云过真州度夏。新刻大有意，但举世皆为格套所拘，而一人极力摆脱，能免俗末之讥乎？大抵世间文字，有喜则有嗔，有极喜则有极嗔，此自然之理也。

男近日移居王衷白新房，其房有高楼可眺，幽斋可憩，所苦者一年之后便当别卜。此时欲买一宅，而囊无剩钱；又苦向人开口，恐终当作人家店户耳。水到渠成，兹不足虑。男赋性爽直，骨体不媚，以此寡过，亦以此招憎。兼之屡遭儿女之变，杜门时多，交游益寡，酬应弥疏。此皆宦途之所不宜，而男犯之。至于恩缠爱继，虽能强解，而左哭右啼，魂惊神丧，为养生累，良不可言。以此，作官一念真同嚼

蜡。徒以二哥既已解令，就一片冷毡，而儿复寻泉石冷之趣，非大人所以教子之意，只得勉强厮捱。至人之嗔喜，官之利钝，头上天公，自有安排，男终不能作掩门行径也。“生事应须南亩田，世情赋与东流水”，是男意中事矣。

【作者小传】 袁宗道 字伯修。明公安人。万历会试第一。授编修，官终右庶子。时王李之学盛行，宗道在翰苑与同馆黄辉、弟宏道、中道力排其说。于唐好白居易，于宋好苏轼，因名其斋曰“白苏”。世因目为“公安体”。有白苏斋集。

四 王守仁上父书

寓吉安男王守仁百拜书上。

父亲大人膝下：

江省之变，昨遭来隆归报，大略想已如此。时宁王尚留省城，未敢远出，盖虑男之捣其虚，蹊其后也。男处所调兵，亦稍稍聚集，忠义之风，日以奋扬。观天道人事，此贼不久断成擒矣。昨彼遣人赍檄至，欲遂斩其使，奈赍檄人，乃参政季敦——此人平日善士，又其势亦出于不得已，姑免其死，械系之。已发兵至丰城诸处分布，相机而动。所虑京师遥远，一时题奏无由即达，命将出师，缓不及事，为可忧耳。

男之欲归，已非一日，急急图此已两年。今既陷身于难，人臣之义，至此岂复容苟逃幸脱！唯俟命师之至，然后敢申前恳。俟事势稍定，然后敢决意驰归尔。

伏望大人倍万保爱，诸弟必能勉尽孝责，旦暮切勿以不孝男为念！天苟悯男一念血诚，得全首命，归拜膝下，当必

有日矣。

因巡检便草此。临书慌愤，不知所云。

【作者小传】 王守仁 字伯安。明余姚人。弘治进士。正德初以论救言官戴铣等忤刘瑾，杖阙下，谪龙场驿丞。瑾诛，移庐陵始县。累擢右金都御史。巡抚南赣，平大帽山诸贼，定宸濠之乱。世宗时封新建伯。总督两广，破断藤峡贼。卒谥文成。其学以良知良能为主，谓“格物致知，当自求诸心；不当求诸事物。”故于宋儒特推重陆九渊，而以朱子集注、或问之类为中年未定之论。世称为“姚江派”。尝筑室阳明洞，学者称阳明先生。有王文成集。

五 宇文护上母书

区宅分崩，遭遇灾祸，违离膝下，三十五年。受形禀气，皆知母子；谁同萨保，如此不孝？宿殃积戾，惟应赐钟；岂悟网罗，上要慈母！但立身立行，不负一物，明神有识，宜见哀怜，而子为公侯，母为俘隶，热不见母热，寒不见母寒，衣不知有无，食不知饥饱，泯如天地之外，无由暂闻。昼夜悲号，继之以血。分怀冤酷，终此一生。死若有知，冀奉见于泉下尔！

不谓齐朝解网，惠以德音。摩敦、四姑，并许矜放。初闻此旨，魂爽飞越，号天叩地，不能自胜。四姑即蒙礼送，平安入境。以今月十八日，于河东拜见。遥奉颜色，崩动肝肠。但离绝多年，存亡阻隔；相见之始，口未忍言。惟叙齐朝宽弘，每存大德，云“与摩敦虽处宫禁，常蒙优礼；今者来邺，恩遇弥隆，矜哀听许。”

摩敦垂敕，曲尽悲酷，备述家事。伏读未周，五情屠

割。书中所道，无事敢忘，摩敦年尊，又加尤苦，当谓寝膳贬损，或多遗漏。伏奉论述，次第分明，一则以悲，一则以喜。

当乡里破败之日，萨保年已十余岁。邻曲旧事，犹自记忆；况家门祸难，亲戚流离？奉辞时节，先后慈训，刻肌刻骨，常缠心腑。天长丧乱，四海横流，太祖乘时，齐朝抚运，两河三辅，各值神机。原其事迹，非相负背。太祖升遐，未定天保，萨保属当犹子之长，亲受颜命。虽身居重任，职当尤责，至于岁时称庆，子孙在庭，顾视悲摧，心情断绝。胡颜履戴，负愧神明。霈然之恩，既以沾洽；爱敬之至施及旁人。草木有心，禽鱼感泽；况在人伦，而不铭戴！有家有国，信义为本。伏度来期，已应有日。得奉见慈颜，生死肉骨，岂过今恩！负山戴岳，未足胜荷。

二国分隔，理无书信。主上以彼朝不绝母子之恩，亦赐许奉答。不期今日，得通家问，伏纸呜咽，言不宜心。

蒙寄萨保别时所留锦袍表，年岁虽久，宛然犹识；抱此悲泣，至于拜见。以归忍死，知复何心！

【作者小传】 宇文护 字萨保。北周武川人。祖肱，仕后魏。鲜于修理之变，祖及二叔阵亡，护及母阎等被执。中途赖叔父泰袭救，得脱。护旋随泰居关西，自是母子隔离三十余年，存亡断绝。后泰子觉篡西魏自立为北周主（孝闵帝），以护为大冢宰，封晋国公。周兵攻齐破长城，时阎姬及戚属咸居于齐，齐主乃令阎为书与护，护得书始知母居处，亦为书报之，母子遂得重聚。而护专权骄恣。既弑孝闵帝立明帝，又杀明帝立武帝，为武帝所诛。

卷二 给夫妻

一 左宗棠给妻筠心书

筠心夫人：

近好！久未得手书，知脚气尚未复元。衰老之年，气血虚耗，饮食药饵，须随时调补，勿过节省，以贻我忧。

霖儿娶妇后，渐有成人之度否？读书不必急求进功，只要有恒无间，养得此心纯一专静，自然所学日进耳。

新妇性质何如？教妇初来，须令其多识道理，为家门久远计，“小学”“女诫”，可令诸姊勤为讲明也。

【作者小传】 左宗棠 字季高。清湘阴人。道光举人。咸丰初洪、杨军起，以四品京堂统军，转战浙闽等省，有殊勋。后又平陕。甘。定大山南、北路。累官总督，拜东阁大学士。封恪靖侯。卒谥文襄。有盾鼻余渑及奏议百二十卷。

二 曾国藩给妻书

接纪泽儿各禀，知全眷平安抵家，夫人体气康健，至以为慰，家中遇祭，酒菜、必须夫人率妇女亲自经手。祭祀之器皿，另作一箱收之，平日不可动用。内而纺绩、做小菜，外而蔬菜、养鱼，款待人客；夫人均须留心。吾夫妇居心行事，各房及子孙皆依以为榜样，不可不劳苦，不可不谨慎。

近在京买参，每两用钱廿五金，不知好否？兹寄一两，与夫人服之。

澄叔待兄与嫂，极诚极敬；我夫妇宜以诚敬待之，大小事丝毫不可瞒他，自然愈久愈亲。

此问近好！

其二

自余回金陵后，诸事顺遂。惟天气亢旱，虽四月廿四、五月初三日两次甘雨，稻田尚不能栽插；深以为虑。

科一出痘，非常危险，幸祖宗神灵庇佑，现已全愈。满两个月后，即可遣之回家，计六月中旬，可以抵湘。如体气日旺，七月中旬赴省乡试可也。

余精力日衰，不愿久居此官，不欲再接家眷东来。夫人率儿辈在家，须事事立个一定章程。居官不过偶然之事，居家乃是长久之计，能从勤俭耕读上做出好规模，虽一日罢官，尚不失为兴旺气象。若贪图衙门之热闹，不立家乡之基业，则罢官之后，便觉气象萧索。凡有盛必有衰，不可不预为之计。望夫人教训儿孙妇女常常作家中无官之想，时时有谦恭省俭之意，则福泽悠久，余心大慰矣。

余身体安好如常。惟眼蒙日甚，说话多则舌头蹇涩，左牙疼甚而不甚动摇，不忍遽脱，堪以告慰。

顺问近好！

【作者小传】 曾国藩 字涤生，号伯涵。清湘乡人。道光进士。授检讨，累官礼部侍郎。丁忧归。会洪、杨军起，在籍督办团练，遂编制乡勇，连复沿江各省。封毅勇侯。为同治中兴功臣第一。以大学士任两江总督，卒于官。谥文正。其治军居官粹然有儒者气象。其论学，谓义理、考据、词意，三者阙一不可，所为古文，亦卓绝一代。有曾文正全集。

三 胡介给妻书

旅人介再拜。

少君夫人妆阁：

是日十月廿四日，舟次黄河之第八闸韩庄，记别少君四十有二日，为路一千五百里矣。渐与故乡远，转与僮仆亲；南望旅园，在碧天灭没之际，想见登楼望远行人，亦在青山外也。家中自老父以下，各安善否？少君与蕙哥无恙乎？旅行无次，不得家园一信为恨！

旅人以十月五日渡江，为淮阳旧游，淹留十日，中间诗酒唱酬，旅况未恶。独恨至公路哭万大哥，其家已扶柩还东徐，比造隰西，已为异姓托处。诗云：“宛其死矣，他人入室。”正是此境；凄怆感恨，极难为怀也。是日遂登舟，明日入河，大抵月初可达临清矣。

别来能专意向上一着否？结缡以来，未尝有此远别，新诗寄看，自一一和之。

【作者小传】 胡介 初名士登；字彦远，号旅堂。明钱塘人。诸生。工诗。有旅堂诗集。

四 周庚给夫陈挾公书

不见古人久矣！大率为诸女儿所败。今大者独依祖母以避吾严，小者各发付诸乳。

一室深山，清虚已接。不无文字之缘，当缮写以正。

其二

城不如郊，郊不如山，徙之西林诚善也！山静日长，惟君自爱！